



PANDUAN PENYERTAAN KONVENSYEN KUMPULAN INOVATIF DAN KREATIF SEKTOR AWAM PAHANG (KIKSAP) PERINGKAT NEGERI PAHANG DARUL MAKMUR TAHUN 2024

PENGENALAN

Konvensyen Kumpulan Inovatif Dan Kreatif Sektor Awam Pahang Peringkat Negeri Pahang Darul Makmur 2024 atau KIKSAP Negeri Pahang 2024 (dulu dikenali sebagai MPIPA) diadakan bertujuan sebagai satu usaha untuk meningkatkan penyertaan anggota perkhidmatan awam dalam aktiviti penambahbaikan bagi meningkatkan kualiti dan produktiviti Jabatan/Agensi Kerajaan melalui kegiatan inovasi. Penganjuran KIKSAP Negeri Pahang 2024 dilihat dapat merubah dan memperkenalkan cara kerja baharu yang lebih cekap, berkesan dan inovatif serta menghasilkan *output* dan *outcome* yang lebih baik.

Penganjuran KIKSAP Negeri Pahang 2024 diharap dapat menjadikan KIK sebagai satu aktiviti yang dibudayakan bagi penambahbaikan penyampaian perkhidmatan sektor awam Negeri Pahang.

OBJEKTIF

- i. Menggalakkan Jabatan Kerajaan Negeri Pahang untuk terus membudayakan kreativiti dan inovasi dalam melaksanakan proses kerja bagi meningkatkan kecekapan;
- ii. Memberi pendedahan kepada Jabatan mengenai pelaksanaan Horizon Baharu KIK selaras dengan PTPA Bil.1/2016;
- iii. Sebagai persediaan bagi menyertai konvensyen atau pertandingan KIK peringkat kebangsaan seperti Anugerah Inovasi Perdana Sektor Awam (AIPSA) dan Konvensyen KIK Sektor Awam (KIKSA).

PANDUAN PENYERTAAN KONVENSYEN KUMPULAN INOVATIF DAN KREATIF SEKTOR AWAM PAHANG (KIKSAP) PERINGKAT NEGERI PAHANG DARUL MAKMUR TAHUN 2024

SYARAT UMUM :

1. Penyertaan adalah dibuka kepada kumpulan KIK dari Jabatan dan Agensi Kerajaan di Negeri Pahang Darul Makmur.
2. Setiap kumpulan dibenarkan menghantar satu (1) penyertaan sama ada projek KIK Primer dalam bidang Inovasi Sosial (kategori Penciptaan atau Penambahbaikan) atau dalam bidang Inovasi Penyampaian Perkhidmatan (kategori Penciptaan atau Penambahbaikan); atau projek KIK Hibrid.
3. Penetapan bidang dan kategori inovasi adalah berdasarkan jenis projek KIK yang dilaksanakan. Penganjur berhak menukar kategori penyertaan berdasarkan kesesuaian projek.
4. Peringkat saringan awal melalui penilaian dokumen akan diadakan dan akan dinilai oleh panel profesional yang dilantik (sekiranya perlu).
5. Kumpulan yang mengambil bahagian merupakan kumpulan yang telah mempersembahkan projek mereka kepada pihak pengurusan di Jabatan masing-masing pada tahun 2022 / 2023 / 2024.
6. Projek pasukan KIK yang ingin menyertai KIKSAP Peringkat Negeri Pahang 2024 mestilah projek semasa tahun 2022 / 2023 / 2024.
7. Projek KIK tersebut hendaklah belum pernah memenangi mana-mana konvensyen peringkat Negeri / Kebangsaan pada tahun-tahun sebelumnya. Projek kumpulan mestilah telah selesai dilaksanakan sebelum konvensyen pada tahun semasa.

8. Pencalonan menyertai pertandingan hendaklah dibuat oleh Jabatan/Agensi masing-masing dengan melengkapkan Borang Penyertaan secara dalam talian (*online*) di laman sesawang seperti berikut :

SISTEM PENGURUSAN INOVASI & KREATIF PAHANG (PIKIR)
<https://pikir.pahang.gov.my>



Dibuka mulai : Februari 2024

9. Minimum bilangan ahli bagi setiap pasukan KIK Primer yang mengambil bahagian dalam KIKSAP Negeri Pahang 2024 adalah dua (2) orang tetapi tidak melebihi sepuluh (10) orang daripada jabatan sama yang bekerjasama untuk melaksanakan projek KIK. Keahlian KIK terbuka kepada semua anggota jabatan terbabit.
10. Kriteria dan wajaran penilaian projek adalah seperti di Lampiran A.
11. Setiap pencalonan hendaklah **dikemukakan kepada pihak Urus Setia, Seksyen Kualiti dan Inovasi, Unit Korporat** melalui Sistem Pengurusan Inovasi dan Kreatif Pahang (*Sistem PIKIR*). Sebarang pertanyaan boleh menghubungi pihak urus setia seperti berikut:

Telefon : **09-513 9440 (Ts. Muhaimin)**
09-516 1345 (Puan Fatihah)
09-516 3403 (Puan Wan Munira)
E-mel : **qi.korporat@pahang.gov.my**

**Alamat : Urus setia KIKSAP
Unit Korporat, Tingkat Bawah, Blok C,
Wisma Sri Pahang,
25503 Kuantan,
PAHANG DARUL MAKMUR**

12. Urus Setia berhak menerima atau menolak penyertaan daripada mana-mana kumpulan KIK berdasarkan syarat yang telah ditetapkan dan juga di atas kuasa pertimbangan (sekiranya perlu). **Keputusan pemilihan kumpulan-kumpulan untuk menyertai pertandingan oleh pihak urus setia adalah MUKTAMAD.**
13. Urus Setia KIKSAP Negeri Pahang 2024 berhak untuk membuat sebarang pindaan terhadap mana-mana bahagian pada syarat-syarat penyertaan ini pada bila-bila masa tanpa perlu merujuk kepada peserta.
14. Permulaan video/montaj/sketsa tidak dikira masa tetapi terhadap kepada 3 minit sahaja. Masa keseluruhan pembentangan projek kumpulan adalah dihadkan kepada 15 minit bermulanya perkataan pertama yang disebut peserta, 10 minit sesi soal jawab dan 5 minit diperuntukan untuk persiapan.
15. **Calon hendaklah mengemukakan slaid persembahan (jika berkaitan), dan laporan projek yang mengandungi keterangan projek, data, gambar, pengiktirafan diterima (peringkat jabatan/agensi, negeri, kebangsaan, antarabangsa) atau bukti lain yang jelas (masukkan dalam satu *folder* yang diberikan nama kumpulan) dengan memuat naik ke dalam *Google Drive* akaun e-mel masing-masing dan masukkan pautan folder tersebut di ruangan “Pautan Lampiran Projek (*Google Drive*)” dalam Sistem PIKIR.**

16. Sila pastikan capaian kepada *folder* tersebut adalah berada dalam status **“anyone with the link”** supaya maklumat yang dikongsi dapat diakses oleh pihak penilai.

Nota : Peserta tidak perlu mengemukakan salinan dokumen (*hard copy*) kepada pihak urus setia.

**KRITERIA DAN WAJARAN PENILAIAN PROJEK KONVENSYEN
KUMPULAN INOVATIF DAN KREATIF SEKTOR AWAM PAHANG
(KIKSAP) PERINGKAT NEGERI PAHANG DARUL MAKMUR
TAHUN 2024**

BIL	PERKARA	WAJARAN
(a)	Latar Belakang Kumpulan	4%
(b)	Signifikan Pemilihan Projek	10%
(c)	Tindakan Penyelesaian	23%
(d)	<i>Outcome</i> Projek	35%
(e)	Impak Projek	18%
(f)	Potensi Pengembangan Projek	10%